

宋詩紀事補遺

宋詩紀事補遺卷之十八

歸安陸心源伯剛父輯

高竦

仁宗朝人

送梵才大師歸天台

吟指建標霞南歸繼永嘉老禪心是佛新句玉無瑕
乳竇流雲液松風落粉花舊房間宴外不復夢京華

天台人

虞大博

仁宗時常州人

水簾

疎水成簾造化功，冷光千丈半巖風。
層霄蟠螭正鋪地，蒼海珠璣初墮空。
天下奇觀更何處，騷人幽詠未全工。
要知出壑爭流意，不向三巴直向東。

夔州府志

王琪

厲有

垂虹亭

虹橋跨浪二千尺，橋上危亭在水心。
六月火雲燒萬里，夜來風細似秋深。

吳郡文粹續集

王甫

仁宗時爲京兆府通判

庭樹聯句枝字爲韻

娑娑庭中樹老大千年枝

黃庶

百弓蔽赫日四座生涼

颺

甫

影恠疑龍蛇聲和認塤簾

庶

未被斧斤賞敢辭

塵埃欺

甫

輪囷壯士歎冷淡童子嗤

庶

盤根得地固

挺材本天資

甫

枌榆謾百尺杞柳徒一圍

庶

節堅費

刻畫莫訝繩墨遲

甫

枝狂躍蛟虬癭恠蹲熊羆有時

相摩擊往往霹靂飛

庶

篩月碎玉散幃日翠幄垂

甫

腹空懶龍臥實少飢禽悲敗葉童僕憎清陰兒女嬉

堂萱小人態堦藥老婢姿春琴似竽笙夏蜩若羹糜

孩提不出戶知時如耆龜

庶

得成孤高狀敢忘

去毫

未時

甫

身遭藤蘿蔽心與松柏期

庶

晨烟拂杪起落

日侵梢齊

甫

老蠹病其中啄木爲良醫公輸不在世

志士空嗟咨

庶

知止梗柵高若厭樗櫟卑

甫

大屋必

欲構老匠寧終遺

庶

棟梁如採收散材安足知

甫

伐檀集

李章

南幽從事權知鄠縣厯階中散大夫仁宗朝人

草堂逍遙寺

羅什留眞嗣重扉掩碧松隣僧來紫閣遠逕接圭峯
雨氣晴先潤庭陰午後濃依稀祖師意瘦倚一枝筇

陝西
通志

劉誥

仁宗時官寺丞趙清獻集有題誥觀泉亭詩

題天章

逸少蘭亭六百年列營樓閣奉金仙琅函帝賜三朝
筆貌座僧談二祖禪山怪有時渾露石地靈無處不
通泉塵心未悟真如理空爇晨鑪一篆烟

會稽掇英集

劉牧

字長民一字先之彭城人仁宗時累官太常博士
廣西轉運副使著有易數鉤隱圖三卷

仙李洞

練紙空箱後高牙拂斷霓還符翠州夢來見石門題
架竹生新徑誅茅得舊蹊陰崖走別洞陽嶺帶回溪
吟桂人非隱逢花客自迷虛中曾納受絕壁阻攀躋
地遠饒征戍君來息鼓聲吏閑眠鹿鹿民樂獻烏鷺
勝事時相遇芳樽手屢攜清風與詩句留與昔賢齊

粵西
詩載

林通

長樂縣人元祐初文廟頽圯通作縣圖經甃之
得錢十萬遂成廟學登鄉薦工詩有集

穿石岩

極判以來不記年斯崑體樸本渾然鑿開混沌鴻濛
地透見明通公溥天老去投林得幽趣困來枕石聽
潺湲時烹山茗供清興猿挂古藤鶴避烟 宋詩拾遺

白雲亭

白雲亭構見浮圖賢尹標名意有餘閒抱石巖禪客
座影籠墨跡憲臺書玳瑁玉溜無停響瀟酒琅玕不
用疎登賞已知情放佚飄飄應喜類相如

又

雙溪會處創危亭我愛亭成不異名到此更誰分別

派同歸終見入東瀛清輝黛染環簷色幽響琴傳出
澗聲自信竹林林上美剪裁今已屬賢明

九日亭

危頂裁成九日亭蓬瀛透出海峯青滿前細菊浮樽
酒四顧凝雲簇画屏月爲情多良夜至人貪景勝醉
魂醒風流令尹江山主此樂同民德已馨

長樂縣志

呂江 厲有

字叔濟號四平京口人著有山中吟及蘇臺白
詠刊行

宿橫金延慶寺

水路通城近人家與寺連西風漁市鼓落日野橋船
塵土非吾事時攝簿被檄
俵散義倉米湖山似去年今宵禪榻夢
定是到鷗邊

姑蘇懷古

臺成知費幾金槌回首荒蕪走鹿麋自是誤君由宰
詔孰云亡國爲西施春風蝶夢迷香徑秋水龍文冷
鰣池四顧湖山烟雨裏倚闌新恨入支頤

春晚二絕

春來腳不踏青青夢裏還家夢又醒一樹垂楊樓外
綠鶯聲不似故園聽

年華冉冉暗中移
倦客傷春只自知
雨後桃花紅未減
人情早自向荼蘼

中秋前一日諸生攜酒見過對月同賦

半生道路鬢雙皤
又是中秋客裏過
別業可憐荒杜曲
羈懷最怕聽商歌
不知明月幾時有
如此清風良夜何
勝槩無詩可收拾
九原喚起老東坡

秋思

一葉江頭楓葉丹
秋容慘淡客悲酸
蛩聲雨後長門怨
雁影風前行路難
無處著愁嫌地窄
有時舒眺見山寬
最憐人道蘇州月
三度中秋一度看

石湖懷老仙

覓得宸奎扁歸尋農圃師

堂名農師

湖山吳子國花草范

村詩步履行春遍綸巾帶雨欹百年無此老合配雪灘祠

贈實際英上人

菴在洞庭西山

釋氏說實際猶吾儒說誠夜來枕上欲作偈
忽雷雨大作夢中得末二句因足成之

實際卽爲誠中庸說著形曉來雷雨過七十二峯青

以上詩苑眾芳

葛密
厲有見補傳

和李都官春日見寄

聞說年來絕世榮，更將高節傲時明。
詩腴偏得味中味，琴韻靜彈聲外聲。
宴榭日長花影駐，春池風細水紋生。
相望空欲閑相見，彼此閑居懶送迎。

輿地紀勝

陸經 厲有

雷潭

山郭五里餘，氣象忽異色。
蛟龍嘗此蟠，潭水至今黑。
變化驗莫窮，白晝起霹靂。
山形抱江來，怪石莫傾側。
有寺出其間，戶牖立丹壁。
微雲垂鑑中，彩色畫不得。
小閣纔數弓，吐納半江碧。
日光涵遊魚，到底如不隔。

老竹風蕭蕭長根孽青石送聲寄哀絃往往動魂魄
載酒同遨遊逢奇得搜索形體相與忘山林信吾適
乃知人世間捨此固怵迫

舊江西通志

薛映厲有

送高學士知越州

晉朝名理漢循良胡粉宮闈紫界牆得請仍辭史官
筆憶歸重換會稽章閒尋嶽寺茶香細盛會江樓鱸
縷長官是秋曹俱老大異時同約棹滄浪

會稽掇英集

薛奎厲有

憶越州

照湖方干吟格高搜清研奇含爛毫天中無雲水中
月虛明晶曜忘迴舫

千巖萬壑爭清奇天地靈秀應無遺吟舟恐在碧霄

上湖心澄波涵月時

會稽掇英集

鄭戢

膺有

送餘姚知縣陳最寺丞

美渥卿爲佐清談縣得才人從日邊別舟渡鑑中來
食案資鮭稟公田剩酒材秋餘一憑檻江海遍樓臺

會稽掇英集

蘇渙

眉山老泉先生洵之兄也

雲臺觀

雲臺勝景壓蒼溪東漢遺名冠蜀西
輿地紀勝

孫奭

字宗古博平人九經及第累官龍圖閣待制卒
謚宣宋史儒林有傳

送張無夢歸天台

笑背芙蓉闕東南望海涯雲章藏綠蘊鶴馭拂青霞
台嶺攀新桂桃源訪舊花鳴騶須再去莫泛客星槎

朱正一

祥符人案宋史朱昂傳其子皆以正字排行正
一當是朱昂之族神宗時人

留題澹山巖

秦曾羽客駐眞陰唐有禪翁嗣結緣石竇宏深開洞
府天門明顯逗風煙香山聳迹停危壁怪木盤根長
絕巔千古靈踪誰可問踟躕瞻想不知還

零陵縣志金石

朱正民

當是朱昂之族神宗時人

東溪

陽安多勝槩劉子卜郊居江流清隔戶山列圍庭衢

輿地紀勝

馮元

字道宗南海人舉進士爲江陰尉會詔擇明經擢國子監直講除龍圖閣戶部侍郎

宋史有傳

送僧歸護國寺

南宗開士共推賢語默忘機合自然上國經遊雲出岫故山歸去鶴冲天艤舟卻指靈溪岸烹茗還資瀑布泉宴坐草堂諸念息只應餘習在詩篇

天台續集

劉禹卿

與王純臣同時

和王純臣聞擒鬼章捷書上奏喜而爲詩

英主龍飛嗣位來洮東首奏捷師回若評後聖勳臣

序功占凌烟第一魁

岷州志

石齊老

字夷吾長林尉

天尊銅像

赤土坡頭一寺基天尊元是一牟尼時難只得同香火莫聽閒人說是非

塵史長林尉石夷吾齊老嘗嘗遊廬山爲予言簡寂觀天尊銅像制範精緻然本乃佛像唐會昌中廢毀浮屠有惜其像者遂加冠於首衣以羽衣以爲天尊夷吾作詩

云云

李珣

字公粹河南人章懿皇后姪仁宗時知相州

句

參差草樹連巴國依約雲烟遶楚臺

輿地紀勝

李遵勗

字公武潞州上黨人尙公主宋史外戚有傳

送僧歸護國寺

雷海譚音出世雄台熾香社冠禪叢紅爐點雪靈機
密翠徑班苔道步通珠水瀟羅晨漱淨豉蓴紫筋午

宋詩十八
齋豐歸帆已應王臣供金地天龍繞舊宮

天台續集

王繹

曾弟之子爲曾後官尙書兵部郎中秘閣校理
宋史附見曾傳

送元厚之

荔陳貢筐清香馥峯倚三山秘篆奇

輿地紀勝

孫珪

澠州北海人祖德子官江東轉運使附見宋史

祖德傳

白雲樓

樵歌南習巴巫遠客棹西歸沔水分乘暇屢登終不
厭兩州鳴角任相聞

輿地紀勝

韓琮

字仲文官至戶部侍郎

香山寺

信馬盤桓上碧穹雲埋松翠梵王宮老僧細說禪機
話深會菩提色卽空

宋詩拾遺

施昌言

字正臣通州靜海人進士高第授將作監丞嘉
祐二年知杭州官至龍圖閣學士宋史有傳

題會稽谿口躬師上人房

谿口佳山水高人住此中生臺下沙鳥疎磬逐江風
倚檻千巖寂焚香萬法空如何憑小筆一爲寫衰翁
會稽掇英集

張彥卿

治平元年知江陰縣

虎跑泉

乳泉發穴漏巖根亂石成池溜始分鴻漸當時高品
第虎跑今日信傳聞山僧勺供疑甘露野史烹茶勝
白雲應是靈源遲出地不然須冠季卿文

江陰縣志

張彥實

舟行江陰道中

雨後侵篙一尺渾，敗蒲衰柳亂填門。
夢聞斷角迷餘響，起看新潮到舊痕。
處處魚鹽成市井，家家罾笱長兒孫。
更傳下詔寬民力，斗米三錢何足論。

江陰縣志

皮公弼

河南人

楊州府志

治平元年知東明縣，權發遣度支

判官司馬光奏言：公弼資性狡猾，善于進取，求請不倦，書疏相尋，致舉者三十餘人，請勒歸放官，不報。四年，屯田郎中知袁州熙寧四年，江淮

轉運副使陝西轉運使江淮發運使五年以開
洪澤河六十里避漕運清淮之險賞銀絹二百
六年權永興軍轉運使度支郎中十年制置解
鹽使直昭文館都轉運使元豐二年卒見通鑑
長編

壁州

壁山老守似僧家無酒無歌度歲華

輿地紀勝

嘉祐寺留別丕上人

兩年無惠及編氓蜀道天難六月行深羨高僧捐世
累竹風清處聽泉聲

保寧府志

郭知古

江西龍泉人治平元年解試

楚塞樓

塞草遠連吳會去羈懷易逐峽江平

輿地紀勝
七十三

郭知章

字明叔江西龍泉人治平二年進士敷歷邑州
俱有政績入爲殿中侍御史遷右司諫契丹遣
使爲夏人勸和河西事以知章報聘詞婉而氣
直官至翰林學士後以元祐名人落職奉祠

挽曾安強母劉

一門十捧鄉老書四子五折東堂桂

江西通志列傳

廖平

南城人治平二年進士官朝奉郎

句

豈是齊安無一事自緣太守有餘才

輿地紀勝

李亨伯

字安止漳州龍溪人治平二年進士累知東莞

縣知梧州知澧州忠州防禦使致仕歸亨伯以

破香山賊功知名南服與蘇軾友善自梧州丁

憂過惠州東坡留十日飯見八閩通志

靖節祠堂

道出古柴桑淵明祠有堂春逢楊柳綠秋及菊花黃
有酒尊居右無絃琴在床清名百世下廬岳共存亡

輿地紀勝
卷三十

游師雄 厲有

過九成宮舊址效唐體六言小詩二章

今古市朝已變隋唐樓殿成空惟有山頭明月夜來
猶照荒宮

不見六龍駐蹕空餘五栝陰森當日宮前流水潺潺

直到如今

金石續編

董父

字彥臣德興人治平二年進士歷官魏王宮教授大理卿嘗進樂書釋青囊經擢官數文閣待

制

句

使宇高連徐邈洞人家多食武昌魚

句

雲影萬重連鄂渚風帆一日到潯陽

句

望江南

縹渺煙中漁父槩坡陀山上使君衙

句

六月涼窗涼袵袖二蘇辭翰照青冥

以上輿地紀

句

數封天子詔兩代帝王師

羅適 厲有

寄題池亭兼贈呂道正

太一僊人天上來口傳丹訣養眞胎
赤城道士誰堪論白髮先生或姓回

牕外方塘幾畝蓮花開料亦似常年先生齒
香中坐應有人呼作水仙

遊碧照庵

長松青似染高杉翠欲滴餘陰入軒來滿座瑠璃色
達人無六塵靜見照中碧庵內一爐香萬緣自然息
崇教寺筠軒

夜憶清軒上都忘居會稽秋聲先在竹月色最宜溪
銀漢簷前直玉繩天外低何人倚欄檻爲聽下莊雞
石橋

傳得栴檀相甚奇紺容先徹照須彌橋頭尊者來瞻
禮應憶靈山聽法時

飛瀑斷巉路天然石似梁始知融結日便作聖賢鄉

水靜魚龍樂山靈草木香茶花本餘事留跡示諸方
題萬年妙蓮閣

華頂西邊天姥東妙蓮開閣對羣峯清含銀漢三千
界香透金庭第八重画棟有聲啼海燕澄波無影睡
天龍夜深講罷何人見雲在青天月在松

迹天台桐栢觀

欲訪琳宮入翠微滿山烟雨正梅時神仙事秘人難
問造化功深世莫知海近應通三島信年多空見八
分碑身中龍虎吞天地誰肯留心繼練師

金庭福地竟如何當日山前異事多子晉高風傳世

表仙翁遺跡在巖阿三清路遠須由學九轉功成豈
怕魔我有玉符真訣在黃衣誰肯遠相過

天台續集

題天台茅橋

京城濕墨遺相知心繞天台四散飛口得小田橋上
月五更河露濕人衣

題慈雲院

寧海

七十有餘歲不曾游此山因尋白雲路深入翠微間
曉澗烟霞合春巖艸木斑誰灰心地火占取一生閑

題天柱山

天台

孤峯插太清天柱此垂名造化功成後乾坤賴不傾

夜星千棋小秋漢一梁橫欲問登臨處重梯四而生

題瑞相院

黃岩

招提臨古道窅堵壓孤山十里梅花樹都來一望間

天台
別編

毛抗

廣西富川人治平二年進士累官太子中舍湖

南運判尚書都官外郎

讀中興頌

周雅久不作楚騷方獨鳴淫哇弄氣態汚我瀟湘清
二公好奇古大筆時縱橫磨崖勒唐頌字字飛瓊英

烟雲借體勢水石生光精浯溪僻南地自爾聞正聲
詩傳入夷夏孰賢燕然銘絃歌入商魯永與人神聽
江流或可竭此文如日星

湖南通志
金石畧

右毛抗詩正書十一行在磨崖趙楷詩後毛抗
浯溪新志誤作吳抗僻南地誤作在僻地自爾

作自是皆當正之

古泉山館
金石文編

王汾

字彥祖鉅野人禹偁曾孫第進士甲科治平三
年召試館職歷官兵部侍郎寶文閣待制致仕
紹聖三年落職崇寧中入元祐黨籍

東臺山

誰謂前人不可攀金杯泛菊且開顏但知落帽臨風
醉未必龍山勝鳳山

湖南通志山川

樂咸

尙書都官郎中治平三年通判衡州軍州事

澹山巖

門開巖底洞沈沈竇乳雲泉矢路深香石峭峰千載
異龍潭幽穴四時陰僧居築室隨高下客到留題見
古今南出零陵一舍地清瀟堤上好追尋

湖南通志金石畧

吳黯

邵武人

一作潯陽人

默弟治平四年進士擢提舉永

興等路常平司內除太僕卿

因公檄按游黃山

倏忽雲煙化杳冥峰巒隨處入丹青地連藥鼎湯泉
沸山帶龍鬚草樹腥半壁絳霞幽洞邃一川寒雹古
湫靈霓旌去後無消息猶有僊韶動俗聽

黃山志

芙蓉嶺

每度芙蓉嶺愁眉慘不開有命終須過無災不再來
輿地紀勝

朱紱

字君貺福建仙游人治平四年進士歷官寶文閣待制知成德軍真定路安撫使崇寧四年落職提舉洞霄宮入元祐黨籍五年星變除黨禁起知復州大觀元年依舊前職卒贈少保

卽徠關

九折先驅叱馭行此心豈是不思親忠臣孝子元同道可是王陽獨愛身輿地紀勝

江公著

屬有

治平四年進士

玉泉菴

風煥客衣輕山行眼作明人非少年事泉作舊時聲
草履春游倦茶甌午睡清不教身自在城郭暮烟生
嚴陵集

宋詩紀事補遺卷十八男侍讀銜內閣中書

宋詩紀事補遺卷之十九

歸安陸心源伯璣甫

陳毅

字子中長樂人治平四年進士累官長樂縣丞
終朝散郎知賀州

歸雲洞

雲道無心亦愛山雨餘時向此中還而今天下焦枯
甚只恐蒼龍未放閑

三山志

決澗院

遠歸滄海通舟楫近洗山僧一片心留與臥龍成窟

夕言
六等閒飛去也爲霖

同上

毛漸厲有

此君亭歌

玉堂視草儒林翁暫憑熊軾來江東政成暇日開燕
席選勝共詣金仙宮幽亭虛敞竹森聳低徊映日清
陰重靜坐愛此君乃知雅尙人情同屏山疊石色蒼
翠我疑巨靈掣斷岷峨峯繁霜摧枯木飛葉穿疏櫺
芳筵列時果璀璨間青紅羊肋細軟蟹螯豐兵厨酒
美琥珀濃褰帶就坐約煩禮幅巾相向聊從容晤言
異心契至樂非絲桐高懷詎比晉七子徒以散誕相

夸雄飲飲寓意對碁局萬事不足縈心胷人生天地
間盛異浮萍相植江湖中偶然會合復離散東西南
北隨飄風須知此會不易得爲公更酬黃金鍾

景定
建康

志

陳祥道

字祐之閩清人治平四年進士官至秘書省正
字箸有禮書

珍珠簾

東風飄拂雨纖纖吹向空中草木霑記得傳喧三殿

日恍疑天半撒珠簾

福州府志

張景脩 厲有

宿清溪安樂山

映窗猶口雪餘痕
瓶裏梅花枕上聞
一枕鐙寒聽夜雨
半牀氈煖臥春雲
詩成始覺茶銷睡
香盡翻嫌酒帶醺
我是掛冠林下客
山中安樂合平分

過桐廬邑二首

隱君無姓字何代
至今存數里山爲宅
兩株桐是孫人烟
半峯碧溪水帶潮
渾多少來游客范范
蹋藥根三載江南客
還吳東復西湖吞雨
溪盡雲截眾山齊
舟楫無空日樓臺半
上梯桐廬隱君子應
笑只留題

釣臺

羊裘東漢客歸隱釣魚灘
天子不能屈先生非苟難
雲藏古石在風激世人寒
祠下青青竹何妨把釣竿
清芬閣

嚴子釣臺畔猶聞吟嘯聲
榮華付諸弟蕭洒繼先生
自製茶槍嫩新開酒面清
紅塵不拋擺那得白雲名
以上嚴陵集

題永慶覽勝亭

衛城直上有烟巒亭在懸崖絕壁間
幾箇白頭忘歲月一生青眼看江山
秋風落木樓臺出暮雨籠沙鷗

鷺開珍重京西繡衣使作書題榜許追攀

題北山松軒

雪天蒼翠暑天風珍重僧軒十八公不是詩人少吟
詠世間花草易爲工

題竹軒

種竹纔添十數竿題詩已僅百餘篇有時碎影搖金
地盡日清風伴玉泉不與愛魚人把釣肯教騎馬客
求鞭平生最喜此君子瀟洒何當聽雨眠

題玉泉

長疑數尺玉乃是一方泉粉色和雲汲茶香帶石煎

鑑來誠美矣聞處合鏗然白首惠山客也須吟此篇

遊栖霞宮

偶先諸邑過栖霞怡費廬仝七椀茶此會果然口邂逅轉相尋覓到仙家

題寧國縣十全堂

醫莫目人試藥能生死人十失爲一次望而知謂神嘗聞秦醫和診君知其臣豈無肘後方埋沒隨埃塵韞師曰愈疾猶如臂屈伸華佗醫之良思邈醫之真誰能不服藥一一如朱雲斯堂名十全全人亦全身方公諳藥性勇退蓋此因金玉不足寶人生繫悲忻

寄題開福院白蓮堂

玉色荷花自是仙道人更慕遠公賢此生欲結東林社
求取新詩十八篇

題無垢院

禪房閉深花錫杖生古蘚秋山翡翠寒春水玻璃軟
無嫌牆太低但恐路不遠何人坐長松令我思韋偃

福應山

南亭不減北邙高美景因公見一朝已看溪山如在
西更傳風雅似聞韶栽桃定有仙家住種竹甯無隱
肯招秀氣當爲多士福未應都放與漁樵

三賢堂

如是國清寺宜乎天下聞水聲常夜雨山氣卽朝雲
今古三賢隱仙凡兩路分唐人書畫在明日更慇懃
以上天台續集

方洵武

臨海人治平四年進士終朝奉大夫知南安軍

題竹軒

勁節孤根得地深清虛誰識子猷心當時不是琅玕
種月下何由聽鳳琴

題寧國院十全堂

盧扁不世出死生非在人草木孕妙理金玉潛至神
用之固有序品制非君臣世之挾術者不啻空中塵
悉以利自售幽枉何由伸韞公藥之師所得無非眞
構堂備觀寂榜墨如堆雲再味維摩言深憫芭蕉身
我病眾生病當推病之因諸幻起諸妄勿藥常欣欣
以上天台續集

方演

莆田人慎言從子治平四年進士官宣德郎

送張無夢歸天台

風神卓犖謫仙才暫爲吾皇薦瑞來金石再三留不

住白雲深處臥瓊臺

九重天上辨丹陛萬仞雲間臥赤城他日蒲輪再徵
詔謝安須起爲蒼生

天台續集

鄒極

宜黃人

晦堂歌爲邑令宋天經作

吾邑有賢令才猷足經國政成越一考俊譽自赫赫
旣闢闢後堂背南面西北爲愛園中景花木皆手植
乘閒一造見問名名未得反覆爲君思請以晦題額
晦取用而明非謂入宴息韜藏茲眾術蓄養輔世德

制動本以靜對語定以默大欲揚王庭小亦去民忒
有如匣中劒利在誅奸慝又若山下泉出乃作惠澤
公家急期會訴牒仍堆積一判情僞分經目猶白黑
堂中琴寂寞昔優今逼迫堂內經縱橫客至君欣懌
豈無詩酒興相與樂暇隙平臺歌舞地池上有瑤席
坐揖竹風細行依檜陰直返照亘天紅輕煙半山白
試觀禽鳥細所畏網與弋我晦異君子終焉茲屏跡
出處各一時俯仰無愧色作詩見情性擬古麗以則

宜黃
縣志

一 翁亭歌并序

元祐辛未歲余年四十九管勾玉隆纔期有半
遂致君事友人劉資明守零陵郡與余同齒以
詩見貺有跂羨之意既次韻答之末句云願君
早作歸來計同醉園林二十春踰年資明奉使
廣西錄寄所遊歷詩數篇皆著思鄉之意蓋憶
予言也所居相限一嶺嘗欲作招隱亭於嶺巔
喬松之下左瞰邑郭雙溪右覽花嶺諸峯俟其
歸穴壙以通往來朝暮得以曳屣攜筇同登醉
吟相樂因和其詩末句云休緣招隱空生嘆自
是中心悅美官又篇末云如君報國須終老閒

健歸來只一翁姑以謝之去年夏六月資明請
宮觀以書促余造亭余欣然命工展基度材須
農隙乃建是秋八月資明訃至余哭之慟復何
待焉亭成以一翁名之時崇寧三年甲申正月
也

一翁亭高半空住老健身輕若平步昔約隱者招不
來今日招魂返何處亭壓峻嶺出茂林百里山水如
鏡聚俯窺井邑在澗底鳳臺獅子沈煙霧豁然氣象
心胸開陰晴異景天際來巧思難窮畫工筆真搜不
盡詩人才春歸谷暖花卉亂士女遊嬉情爛漫暑風

清快秋思多玉樹瓊樓雪中看時時獨上凭危欄爲
愛孤松不可攀百年天畀作伴侶偃蹇肯落塵凡間
有時攜琴坐松下竹徑雖掃門常關風吹清韻月散
影家僮不至那知還有時爲招三兩客對松置酒味
松德壤梁棟撓彼小材大夫自是龕官職醉來摩松
鱗觸手汙松以官亦何有許由洗耳常不嗔伯夷餓
死吾無取登亭自負只一翁四海退者豈我同多緣
矢志畏罪廢往往養譽要王公我由蘭署出持節按
道適至親庭中亟遭大變僅存息無復有意圖勸庸
遂慙丹誠叩天闕乞得眞館樓玉隆歲餘尙厭仕籍

在抽簪解組顏猶紅是非榮辱自此杜生事無憂付
農圃種蔬植果雞魚肥日具賓庖式歌舞斯亭最後
得景多百年過半能幾何經營土木亦可止盡取此
生適而已

宜黃縣志

鑑泉歌爲邑令吳無求作

鑑泉之竇山之麓百年蕪穢暗渟滯吳侯天與仁智
資退食俯窺嗟不足試披沙滓鑿爲沼深纔數尺闊
盈幅迸流日夕不可窮碎如珠璣瑩如玉南隣野叟
號逍遙漱石枕泉眞所欲一來臨視推不去草草杯
盤勉君速解衣款入凌陰坐六月正午忘暑毒滌煩

沃渴汲復溢長流清風去殘酷此鑑不窺示養正
明豈特鬚眉燭巧非鎔範淨非磨應物無心奸自伏
寶匱青銅世所貴鳳舞龍盤耀人目勿輕勺水當靜
觀能動天關翻地軸主人寶此方澄清野叟撓之安
敢瀆舉觴隨分擁叵羅醉狂擬學鴛鴦浴世無秦法
飲無禁心動胆張驚且縮可憐淥在百里間四海王
明俱受福顯幽用舍姑置之君顏漸凋吾髮禿相逢
一顧一回笑滿酌爲君歌此曲

宜黃縣志

月菴歌

并引

吳無求令治鑑泉之明年夏六月畏暑濕思高

涼因退食之暇登廳事之後縣山之巔環視翠
繞旁閭古木數株直幹樛枝瑰挺竦特駭人心
目上蔽赫日下蔭廣阜而爲荒榛穢草之所障
足窒而不能前無求立命誅之鋤之剔之夷之
稍進而息其下則密葉如幄清風滿襟平視周
郭之山遠近勾連千重萬疊秀出於雙溪之上
溪會於郭岸直北而東有鳳臺獅石衍然而截
其流汀沙烟蕪映帶於井肆樓臺之外無求爲
之歎息曰溪山之美登覽之勝盡於此矣予爲
邑僅二年而今始得之豈非山川物象之顯晦

固有數耶不然何昔暇於泊鑑泉而不遂及此
於是卽木陰之下闢土丈餘置奕局焉累石甃
甃環以瓦墩命之曰爛柯臺又直鑑泉之上臨
山之崖後倚巨木結草庵設竹榻命之曰月菴
自鑑泉之側安木梯鋪以欄楯上通一徑曲折
數十級乃置臺與菴過環翠亭北循徑而下則
後圃也工旣畢南郭逍遙翁鄒極愛其佳境往
而歌之

吳侯之來適荒年政修民蘇猶解懸庭無留訟獄屢
空百姓愛悅好吏悛公餘何以度永日坐督阜隸先

疏泉泉濫爲沼澤可鑑清範卽與名俱傳今年時豐
民事簡退食縱步山之巔誅鋤蕪穢出古木矯如虬
龍上參天夷高培均蔭其下百里勝景盡目前爛柯
石局侯仙侶月菴竹榻容醉眠或弄瑤琴或放歌或
談元理或安禪圓虛洞照萬緣息乾坤有量斯無邊
菴中主人趣高上喜我相過時留連所嗟官滿差還
去肯顧衰翁須後賢

宜黃縣志

題顯陽寺疎快軒

溪邊穿小徑寺後起幽軒伐使惡木盡養教修竹繁
閒聽漁唱靜臥隔市場宜疎快宜人處追惟子美言

宜黃
縣志

題招福寺檀欒軒 三首錄二

開軒得幽致檻外築檀欒日射黃金碎風敲碧玉寒
暑清移榻就雪煖擁爐看一水塵埃隔壺中境界寬
出郭渡清溪僧閒晝掩扉造軒惟愛竹植杖卽披衣
家舍杯盤近村莊雞犬肥頻來君莫厭倒載夜深歸

宜黃
縣志

題縣簿清心亭

君向池邊展舊亭坐臨止水覺心清暑風菡萏塵難
染霜月蒼筤節更明對酒獨醒公外況隔牆人語靜

中聲誰憐老鳳堪棲棘夢斷韶音奏九成

宜黃縣志

遊曹山

一到重來二紀餘身閒方悞昔迷途龍迴澗合木長
澗聖隱巖空峯轉孤自放山林隨處適相逢雲水有
心無野僧見我猶生敬我卽休官祇舊儒

宜黃縣志

赤松寺書事

宅畔池臺景自幽御風更作赤松遊嵐光濃麗經梅
雨天氣海清正麥秋插稻農夫晨赤腳纒絲蠶婦晝
蓬頭閒身免赴公家急飽食無心爲汝謀

宜黃縣志

曾肇

厲有

二賢堂

天驥精神鳳羽儀青雲失路此委蛇由來道誼千鈞
重不獨文章一世師史牒已傳三黜賦騷人誰繼八
哀詩有時無命非今日從古長沙賈傅悲

又

萬壑千岩花草香醉翁此地昔徜徉不聞燕雀知鴻
鵠但見鴟梟笑鳳皇平日聲名追屈賈暮年勲業佐
虞唐神清洞府今何處故事空留楚水傍

題統軍池

長山漫刻金芝頌宮相空吟石竹詩事往歲深無處

問北園唯見孟家池
孟元結濇化中以龍武統軍知
滁州鑿池北園池上有梨名孟

家梨

又

夜雨暗添西澗水春風開徧北樓花
輿地卷四十二

以上詩曲阜公失收

王越石

元城人以父乙蔭入仕授秦州觀察推官見廣
陵集治平四年尚書都官員外郎知瓊州軍州
事

越石罷守瓊筦道宿北流朝宗驛舍秋高夜涼

風月可愛因題一闕於壁既而自容移桂登觀
入洞觀真人像丹竈石盆石牀尋扣勝境因次
前題元韻其成五闕繕寫上呈知府安撫供備
伏覲笑覽

炎洲望處雲南北嶢關歸時路屈盤喜得夜深清枕
簾月華斜白洞天寒

右宿朝宗驛

靜然華燭扣靈闕雲路登尋過幾盤溪水定流何處
去一條沈碧練光寒

藥盆丹竈石牀閒龍虎當年向此盤雲馭久登天穴
路仙風依舊拂衣寒

亂峯如展畫屏看老蔓紆根虺鬬盤飛步尋眞儘深處乳花凝雪逼人寒

清泉流急響珊珊丹竈無煙玉色寒拂石坐來心慮

息氣清冰在玉精盤

廣西通志金石

黃君俞

字廷僉莆田人少強學著書名動京師常試開封第一四黜于禮部治平四年知制誥鄭獬御史中丞滕甫參政吳奎交章論薦新進士許安世等二百餘人上書闕下乞輟所得恩命命君俞已未用族子隱所讓補官歷眞州軍事推官

知鎮江軍金壇縣熙寧十年陳襄爲樞密院直
學士奏言君俞力學篤行高出輩流博通諸經
多所撰述晚年謹身率職其操彌勵乞置之館
閣詔以爲崇文殿校書元豐初兼禮院檢討文
字太常寺主簿改館閣校勘

送程給事知越州

少郎清貫籍殊材曾寵南州刺史回通職更聯羣玉
府分符仍得小遶萊民間威愛龔黃政筆下文章李
杜才天子鼎新天下法和羹方是用鹽梅

會稽掇
英續集

張田

字公載澶淵人知湖州徙廬州治有善蹟治平
四年以度支郎中移知桂州兼本路經畧安撫
宋史有傳

題龍隱巖

龍隱晦冥時莫考龍驤罕攬跡堪驚孔明久臥養全
德老子忽飛歸太清溪上一天常氣勝洞中六月自
寒生至神不得無情處甘澤年年灑百城

廣西通志金石

許安世 厲有

和蓬萊閣賞雪賦詩

南國收藏晚齡天凜冽興日行黃道而神御坎宮乘

元化初施種窮陰乍喪朋氣隨鈞外轉雲自澤中騰
集霰紛餘凜號風助峻稜紫霄零雜珮元野碎增冰
縞色坳窵徧寒光上下凝候嚴知節應空曠覺神澄
透隙還同舞因方不待繩雁飛朝愈急雞誤夕相應
吟絮飄吳苑裡茅秀楚塍階迷鶴鶩林蘆蔽薪蒸
瑤水三千里崑崙九萬層檻前闕化國波際失西陵
白傅寄元稹詩烟波起處
兩點白知是西陵古驛臺舟興懷安道鱸思鄙季鷹
勝遊方罕值高會喜相仍漲海雄藩屏東侯實股肱
葉珠辭密侍阿閣賁華稱將幕開樽俎賓筵集俊能
醴杯親勸酢龍坂盡賡登郢唱人誰繼臯謨世其矜

擊轂知亂雅附驥偶同蠅綰席塵空滿嬰衣體詎勝
仰瞻雲漢麗嘉惠豈虛膺

遊天章寺

常時俯仰尚爲陳千載重來感一深曲水已傷迷故
迹崇山依舊對遊人縈紆雪路聯珠騎蕭爽風亭岸
角巾祗恐瑤池歸扈宴不能脩袂見深春

以上會稽
掇英集

孫載

號積中崑山人治平三年進士累知考城縣海
沂婺亳諸州終朝議大夫

葛仙祠

九載功成駕鶴遊空遺丹竈冷無煙衣冠昔日猶埋
塚雞犬當時亦上天高步瑤池觀日月幾經滄海變
桑田可憐黃野歸來晚留與人間作地仙

羅浮山志

景泰禪閣

三山環合壁相重禪閣欹危杳靄中雲塔孤標凌絕
巘石樓雙峙聳晴空靈泉冷透千巖翠古木陰生萬
壑風自笑塵勞促歸思懶將身世問禪翁

羅浮志

寶積寺題中閣

中閣猶追舊寺名淩虛闌檻拂雲平煙迷勾漏燒丹
竈雨雜尚書舊履聲泉水幾年明鑑曲咧田一日布

五言一
基杆卻收謝客尋山屐且其禪師語此生 羅浮志

棲霞浦

地據淮西盡江吞石壁寬 輿地紀勝

黃遠

武進人治平進士元祐四年知臨海縣

題竹軒

隱隱招提地幽軒無點埃惟栽紫竹種相伴白雲堆
疎影月移轉清聲風送來居常稀俗客貝葉此勤開

天台
續集

王祖道

字若愚福州人治平進士官終刑部尚書宋史
有傳

此君亭歌次毛公韻

君不見太白之精下人間兮昔人號爾謫仙翁君不
見不爲蒼生起兮謝安攜妓山之東玉堂主人繡衣
客邀我載酒金連宮小亭環立千竿竹參天百尺繁
陰重岸巾散髮對此坐一日無君誰我同夜來霜壓
北枝重剩見鍾雲數尺峯玉實幽香儀彩鳳日華轉
影飾金樞孤幹未甘春雪折青陰不逐秋風紅長隨
檜柏老剛勁不羨桃李爭鮮濃我愛此君有直節肯

學蟠木求先容我愛此君歲寒志長笑霜井落青桐
大夫老松邀我侶三品頑石徒誇雄不作湘江兒女
泣蒼梧雲散愁盈胃夜深明月滿庭戶此君入我懷
袖中故人來兮七賢至開門滿坐生清風此君此君
聽我語藏器於身兮終奏太廟歌黃鍾

景定建
康志

奚球

太常博士簽書坊州判官事治平時人

玉華山

玉華山來自何處巉巖拔立凌紫煙上有千雲切霄
之蒼松下有迸霞激壑之清泉長河西來齧山足燐

火白日明峯巔浮嵐暖翠入窗戶六月嚴閣風冷然
我來豈暇弔古蹟俛仰但喜遺囑喧心魂澄澈耳目
醒如脫世故游神僊平明卻入俗塵去回首煙蘿羞
滿顏

金石萃編

查深

深字道源江南廣德州人隱居力學治平間郡
守錢公輔疏其行誼薦于朝力辭不赴築室于
城西玉溪之上名曰清容有文集二十卷

明一統志

閒詠

門外聲聲叫賣魚囊空不問價何如磁盆昨夜黃蘗

熱淡飯時光樂有餘

廣德州志

韓縝 厲有

送周知監

劒外吾能說山川大抵同君行在巴徼民俗半夷風
火田租賦薄鹽井歲時豐

輿地紀勝

送周知監

唐蒙論巴蜀通道至邛夔列郡徼西南夷居半巖壁
輿地紀勝

句

地里輿星直江流漢水通

又

崇法寺

久聞雲際山中有古招提新秋喜遠覽銳意窮攀躋
出郭值微雨涼風曉萋萋陂陀越大嶺沙路淨無泥
野沃稻田秀耒耜沿溝畦登岑復入谷漸過西山西
舉首望華屋雙岸鬱相攜虛橋駕烟靄峻閣排虹霓
下馬踏危級褰裳涉修梯超然層閣外仰視穹蒼低
俯眺亦何有森森喬木齊喧囂從吏語嘲哂驚禽啼
旣飯復搜討林間得幽蹊巖阿訪靈跡大士常高棲
古殿蝕苔蘚丹青暗塵墜俯身踐危蹬側足緣深溪
老樹陰潭黑風修亂蟬嘶懸泉洗陰壁瑩色如玻瓈

佳觀誠可戀，遲留懼顛擠。捫蘿出天險，始免魂神睽。
緩步凌巖嶂，雙旌隨杖藜。回瞻花雨地，已被烟雲迷。
頓轡下平陸，晴川留馬蹄。新篁映碧宇，野寺臨長堤。
乘倦駐歸策，荒園步柔荑。婆娑兩高樹，磊落垂紅離。
汲井漱甘液，拂塵觀舊題。出門尙斜日，隱隱聞城鼙。
勝槩亦陳迹，茫然失端倪。爲詩記髣髴，吾友無訶詆。

漢南
府志

遊賈氏南園

江堤楊柳碧毵毵，閒訪名園郡郭南。
穠麥生齊知雨足，海棠開遍覺春酣。
門前幽徑通芳蕙，竹裏虛亭對

遠嵐風物有情應笑我不攜歌酒只清談同上

庚子八月八日再遊東山寺

蜀師當日戍黃金此地由來險阻深
濛濛水東流自紆直泰山北望正嶽
崑涼風肅物初秋意膏澤愆期旦
晝陰同是天涯未歸客荒煙斜日正登臨同上

傳楫

字元通仙遊人治平四年進士調揚州司戶參
軍轉福清丞知太谷龍泉縣累官龍圖閣待制
知亳州年六十一卒

題九仙閣

偶有尋真興攜琴扣竹關巖頭青嶂合洞口白雲間
火伏丹猶濕碁殘局已斑遊人迷去路疑是霍童山

仙遊
縣志

朱子集注補遺卷十九男侍讀銜內閣中書樹藩校